



Broj: A - /2017
Brčko, 07.04.2017.godine

SAOPĆENJE ZA JAVNOST

Nepravosnažno // Niko Stoparić osuđen zbog neizvršenja sudske odluke u predmetu Evropski univerzitet Optužen da nakon sudskog poništenja rješenja o zabrani rada i oduzimanju licence nije donio novo rješenje

Postupajući po optužnici Tužilaštva Brčko distrikta Osnovni sud u Brčkom donio je presudu kojom je bivšeg šefa Odjela za obrazovanje u lokalnoj vladi Niku Stoparića osudio zbog neizvršenja sudske odluke u predmetu *Evropski univerzitet*.

Po održanom glavnom pretresu na kojem je Tužilaštvo izvelo dokaze o Stoparićevoj krivici za neizvršenje pravosnažne presude o poništenju rješenja o zabrani rada i oduzimanju licence ovom univerzitetu, koja je Odjelu dostavljena krajem 2015.godine, tadašnji šef ovog odjela jučer je osuđen pred Osnovnim sudom Distrikta. Optužnicom podignutom krajem prošle godine Tužilaštvo Brčko distrikta stavilo je na teret Stopariću da obavljajući funkciju šefa Odjela za obrazovanje u Vladi Distrikta nije postupio po pravosnažnoj presudi, koju je prethodno u upravnom sporu po tužbi Evropskog univerziteta donio Apelacioni sud u ovom gradu. Nakon što je, naime, ova presuda uz upravni predmet dostavljena Odjelu na ponovno rješavanje Stoparić suprotno Zakonu o upravnim sporovima Distrikta umjesto poništenog upravnog akta nije u roku od 15 dana donio novi upravni akt - navedeno je u optužnici.

Stoparić je nepravosnažno osuđen za krivično djelo neizvršenja sudske odluke (iz člana 345 stav (1) *Krivičnog zakona Brčko distrikta BiH*) za koje mu je izrečena novčana kazna u iznosu od 3.000 KM. Radi se o presudi na koju je dozvoljena žalba.

Više o optužnici na internet stranici Tužilaštva www.jt-brckodistriktbih.pravosudje.ba (sekcija „optužnice“ podsekcija „odsjek za opći kriminal“- optužnica broj: 10038).

*Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

GLAVNI TUŽILAC

ZEKERIJA MUJKANović

1. Na WEB stranicu;;
2. Medijima;
3. a/a